

中國地方志薈萃

西南卷·第五輯

拾

壹

《中國地方志薈萃》編委會
編



九州出版社
JIUZHOU PRESS

全國百佳圖書出版單位

道光黔西州志

出版說明

道光黔西州志

(清) 魯壽崧修 熊聲元等纂

本書八卷，據清道光十五年（一八三五）刻本影印。

重修黔西州誌序

天有眞文地有眞形人物有眞跡郡邑無誌負天負地負人物然必賴有眞材而後天文地輿人物胥賴以傳也水西一邑地出西偏四圍皆河中多名山佳境其星纏環拱廟宇輝煌旣不可勝數而山川磅礴之氣久矣毓爲人材其顯宦名跡才人之生代不乏人然自康熙三年前牧何公諱縉鮑公諱尙忠馮公諱光宿修集後未嘗一載遂使天地人物鬱而不彰噫誰之責生於斯者之責抑亦爲斯牧者之責也嘉慶六年三月望日余來署斯篆欲於是州之天文地輿人物求一志書備覽而知之僅獲其四中載乾隆三年以前之事而其後無稽幾欲續修而未得其人八年六月商諸胡劉龔黃諸公均以爲可及余奉調入省而諱公（公名）之公所相與續修俾百餘年之天地人物斷者續之隱者彰之使余志之（公名）於此惟地儲眞材而後天象有眞文地輿有眞圖人物有眞跡天地人物之幸抑亦余之幸也是以序

時

嘉慶八年歲次癸亥秋七月望二日貞豐州知州署

黔西州事東海劉永安謹序

原序

今天下孰有重於

大一統之書哉厥書維何志是也凡郡邑之有志猶夫國家之有史其體異而其用同何以明其然也蓋史主文志主實史尙畧志尙詳史陳論斷志陳沿襲故曰其體異至若臚列例事之始終列輿圖之形勢述習尙之貞淫紀人才之盛衰作史者類必遠取諸志故曰其用同明乎異同之故而志可爲矣（緒少也賤長沙藝林謬提南宮江浙新吳三仕爲令政事之餘閒覽雜史旁及天下諸志惟山陰武功兩志爲典核彬彬有大雅之遺而惜其俱成絕響也其諸薄海內外志有不一例無所殊均有取焉今

聖天子御極二十有五年聲教四訖車書一統爰是天

下郡邑蒐採遺書以次

上進集蘭臺石室之英纂修通志（其也思京都直省無不釐然大備獨黔南荒服多闕如

（緒）

於旃蒙赤

若之歲自江右量移承牧是邦適值改府爲州之始夷漢混處庶事草創問載籍無有也問文獻無有也蓋黔西新疆舊隸土司爲羅甸國衣冠不列王會之閭民數不登司徒之版自開闢來閱二千餘載幾經

黔西州志

卷之一

序

一

黔西州志

卷之一

序

二

勸魏經漸摩乃駸駸乎有革舊鼎新用夏變夷之象而猶未盡然也語山川則危巒峭嶂激湍奔流語人物則異貌奇形鳩舌卉服語田賦則膏腴山藁窮溪遠壑無善狀可名無大觀可紀惟昔府今州建學明倫有子衿輩出而文章品行底於醇區所謂名賢勝跡忠孝廉節概乎未見似無庸志亦不敢輕志也但思天下無不可治之地亦無不可化之人是在治久化成俾風移俗易或可漸臻一道同風之盛紹泰收茲土甫及一年爲歲丙寅奉撫憲檄下所屬有司採輯編纂將以彙成全志上達

黔西州志

卷之一

序

三

御覽紹泰無修志之才又無舊章可考適有鄉試丙午科孝廉高人龍流寓金陵回籍道經黔地出平日紳士父老所傳聞與耳目所經歷者與之參定約畧纂成以備今

上天下一家之觀少佐

大一統之書於萬一云

康熙丙寅年

賜進士出身知黔西州事西蜀何縉撰

余輩生邊邑且晚幸列膠庠叨鄉薦竊以管窺之見莫附前賢惟讀周禮一書外史掌書外令掌四方之志凡列爵之區莫不有志以達王朝如晉之乘越之絕楚之檣杙魯之春秋自封建降爲郡縣而外史外令之職廢然今之郡縣卽古之列國也故省有通志郡有合志下至一州一邑亦各有志凡境內山川形勝廣狹戶口賦役之增除官制典禮之沿革以及良吏名臣潛德幽光可法而可傳者罔不備載我州侯劉公奉

黔西州志

卷之一

跋

四

簡命撫水西政簡刑清留心掌故公暇之餘集多士而商曰余歷宦諸邦莫不有志水西何以獨無僉曰地自漢唐而下俱爲荒服文獻莫稽雖有明閩土亦屬霸廢我

太祖高皇帝定鼎猶爲安酋所據至

世祖章皇帝改土設流始置府焉不數年改州其間歷任諸公莫不有志振興總以無徵爲慮前牧何公諱縉畧爲記載簡而不詳既繼而來牧是州者則有尙忠鯁君光宿馮君雖常彙集成編未附劄劄今

公銳意重修實二百年來盛事也更值吾邑中憲大夫華楠李公家居讀禮樂勤厥善余輩敢不敬慎從事

於是稽諸通志所載採之父老傳聞彙集而詳訂之
使二百年若存若亡之事不致湮沒無聞且詳載司
牧有父母斯民之責士大夫爲觀感之望取昔之蒞
斯土者書曰某也廉後之廉者觀斯志而思奮焉反
是者亦得觀斯志而思懲取昔之產斯土者書曰某
也賢觀斯志而思起焉反是者亦得觀斯志而內省
若夫科名徵人材之盛節孝闢紀綱之美綜核名實
臧言簡編其琳瑯瑯於前昔者未得親見姑不具
論而名宦鄉賢如州侯秀脩譚公學范許公甘棠遺
愛至今昭然尚書世傑李公廷桂黃公勳績顯著照
黔西州志

卷之二

賦

五

人耳目皆表而異之其有詳有不詳亦可識其意之
所在矣然則

公之修是志也異日

天子命輔軒或採風或問俗而辭陋彈丸亦得備

聖天子御覽其關係不綦重哉敬賦附於篇末

嘉慶八年歲次癸亥桂月上浣閩州紳士謹跋

凡例

一志以紀事迥異史裁前所有者仍之昔所無者補
之述而不作叙而不斷志之體例也黔舊無志自
康熙丙寅年州牧何縉舉志之簡而多遺余於嘉
慶八年始創修輯以部統卷以卷統目簡帙不繁
而切實通之綱目別以後先行列分以高下庶幾
開卷條理井然

黔西州志

卷之二

州例

六

一圖輿志相爲表裏列圖於首帙天文星野疆域城
池披圖以觀全邑形勝昭然在目有不必彙集者
星野歸於本卷禮儀附於學校以便翻閱其他疆
空繪影並無徵實汰而不錄惟東山八景爲邑名
勝編之於帙爲黔一都會云爾

一建置沿革稽古証今舊屬羈縻自明以後安酋授
首始置郡邑至

國朝而設府改州信而可紀固不參之左國漢史證之

唐宋爲紛紛聚訟者也

一黔爲古荒服之地雕題蠻齒種類不一然自隸版

圖經二百餘年教化菁莪棧樸蒸蒸日上雖籍皆

江湖各省而居住此土業二百多年文經武畧自

九品以至一品代有人焉故另爲一帙以備觀覽

一山川爲一邑之門戶鄭夾深有言州縣之設有時而更山川之形千古爲昭山有異名而無異論水於鵬池六廣所注甚多抵牾今細考源流博採薦紳庶幾得其大概而有津有梁制不可缺附之於後

一古蹟與其多而失誣甯簡而有據石鑄天合山稱夕照亭垂民依峯多聳翠寸土可傳又何必多爲貴哉今舉何牧舊載刪其無足考者以郡志爲經以茲修爲緯可免無徵不信之憾

一文廟舊入祀典與羣祀無別非大義之攸關也故

黔西州志

卷之一

凡例

七

凡崇祀先賢先儒明倫校舍博士弟子以及禮樂儀式之類概入學校乃以見教化所自與人材所自出而規模制作爲莊重有體

一昔之人物固不概見而茲之甚盛甲於他邑如翰

院蜚聲

皇路尙書肩輿

禁城或生此總制封疆或借徑而遷陞台閣生於斯長

於斯聚族於斯其無關於黔者畧而不載必考核

詳明而後書焉

一史尙微辭志微實事卷中如忠孝節義名宦鄉賢

以及勳績人品苟大節無虧一行足錄者善善欲長不敢稍參臆見但有寸長可徵悉予直書而列女亦如其詳慎焉

一執秩用龍門年表法以便查考自漢唐以迄元明黔邑未設

國朝康熙而後始列府州而官之興廢秩之崇卑本朝代之次序編秩官之統屬史籍俱在均屬可稽當時只載守令今增入武功以表一體

一選舉通志郡志不及旁載體裁如是也邑志宜加詳焉故鄉貢自恩拔副歲而外一切援例者皆得

黔西州志

卷之一

凡例

八

與於斯集非惟廣登進之途亦以見人才之數也一舖遞兵防爲書無幾不成卷帙去之似屬缺典今增勤王死事兵丁並附載疆域之末庶乎郵政於茲不廢而兵防亦衛斯土之要與疆域均有關焉一方技雖屬偏長亦爲小道可觀至於神仙縹渺釋子虛無並不得與卜史星曆者等若鋤而去之駭人觀聽今但從俗畧志一二可載者附於方技之下

一物產俗言分訟不少採金開礦徒來姦究而紬棉丹砂非邑所產上或按籍以求無辭可對實買罪

名今不必誇多爲富第舉現在土物誌其大畧亦不失唐魏遺風

一紀事舊率全書體裁不一諸卷中有已節取者有未詳載者今備錄之便於稽考之下多一見聞間有一二逸事採諸方言雜說亦疑則傳疑之意非搜奇譎令後之覽者作齊諧觀也

一史書五行志備載災祥兼兵燹占驗亦與焉蓋取相因而至黔雖處僻壤自設流改土從無兵燹疆場之事亦無地震土裂之災或嘉穀重生麥穗兩岐適亦常見至大雹爲災洪水爲患自古未聞惟

黔西州志

卷之一

凡例

九

纖悉祥異畧爲之紀亦從同例志云

一文藝非示博瞻

皇言而外關掌故者宜錄關風教者必書或因屬里賢偶書其所作者惟其人不惟其事也故序朝代以編輯成集而風氣之殊趨可以分厚薄古今云

一黔志草創於前牧何縉畧而過簡未附刊刷今則爬羅剔抉無微不搜取裁尤廣彙聚論以成一書從其易者耳因爲刊板並存何牧舊序蓋不沒前輩苦心亦以見予之不忘所自也

重修黔西州志姓氏

總裁

黔西州知州劉永安

字古山東海人戊申舉人

黔西州知州李秉炎

字光萬晉翼人附監生

黔西州知州和隆武

字鴻之滿洲正白旗人乙酉舉人

分纂

徐文璧

字輝山安徽人拔貢生

李華

字綱菴東關廂人丁酉舉人官同知

監修

學正周士傑

字淑菴貴陽府人

訓導王

字佳木思南府人

黔西州志

卷之二

姓氏

十

吏目吳掄元

字

鄧炳文

字明齋東關廂人官德州州尉

參訂

劉禹平

字真九禮賢鄉人庠生

胡聯陞

字晉階西關廂人庠生

黃純

字亦之北關廂人

龔應照

字秉軒西關廂人甲寅恩科舉人辛酉科舉人

張芸

字籍香西關廂人庠生

采輯

劉震遠

字福京禮賢鄉人庠生

盧國美

字尊五西關廂人庠生

方履中

字致菴北關廂人庠生

李植漢

字維章西關廂人庠生

熊聲元

字廣陽西關廂人庠生

車媚川

字懷珠內莊人庠生

謝鴻選

字青錢黔興里人庠生

乙未重修州志姓氏

總裁

黔西州知州魯壽崧 湖南長沙舉人

分纂

熊聲元 癸酉拔貢兼雲騎尉

漆應麟 舉人選授黎平府教授

監修

學正楊學清 舉人

訓導劉元桂 貢生

吏目趙學燧

參訂

李守矩 貢生

劉照葵 庠生

黔西州志

卷之一

姓氏

七

袁玉聲 廩生

采輯

徐先春 舉人

喻箴 貢生

劉德銘 廩貢生

張逢光 庠生

黔西州志目錄

卷之一

天文志

圖考 星野 氣候 祥異

卷之二

地理志

建置沿革 疆域 山川 關梁 郵傳 風俗

形勝

苗蠻 古蹟 里甲 鄉場 村寨

卷之三

營建志

黔西州志

卷之一

目錄

七

城池

坊 公署 書院 學校 儀注

祠祀

捐款 寺觀

卷之四

人物志

選舉

捐選 例監 武功 勲封 耆壽

孝義

節孝 女壽 隱逸 仙釋 流寓

卷之五

食貨志

戶口 田賦 稅課 積貯 經費 蠲恤

物產

卷之六

秩官志

官制

恤賞

名宦

附鄉賢

宦績

土司

卷之七

武備志

兵制

師旅考

卷之八

藝文志

皇言

諭勅

書

疏論

記

紀事

序

考傳

贊詩

詩餘

黔西州志

卷之一

主

黔西州志卷之一

天文志序

按周禮保章氏以星土辨九州所封疆域皆有分星
驗氣候以觀祥異星野之說誠非虛謬然理甚淵微
而分度最難清著矧黔西最爾巖疆仰觀天文似不
足當象緯之分杪果孰從而定諸考禹貢地界梁州
星分參井之餘漢改益州史記天官書謂益為參分
晉以井荆入參五度其於次舍必有當矣至若精氣
潛通善言發而星廻婦窺白而雨降豈古隅不足動
乾象哉易曰天垂象見吉凶書曰欽若昊天僅管窺

黔西州志

卷之一

天文

古

云爾乎作天文志

謝東山志曰宣慰司

今貴州

衛前衛

今貴州

龍里新

添今貴州平越清平興隆

今黃平

威清

今清平

壩今安普

定安莊

今鎮寧

安南普安畢節烏撒

今威寧

赤水等十六

衛俱參井都勻府程番府

今定州

永宣鎮宣安順普安

四州俱參井之餘思州思南鎮遠石阡銅仁黎平六

府俱翼軫之餘

沈思克通志曰貴陽都勻石阡思南四府宣慰司定

番安順鎮宣永宣普安五州貴筑威清平壩普定安

莊安南普安畢節烏撒赤水龍里新添平越清平興

隆都勻一十七衛普市黃平二所俱并鬼分野鎮遠
銅仁思州黎平四府俱柳星之餘

衛既齊志曰黔古無分野之說一統志以宣慰司普
安州爲參井銅仁爲星黎平爲翼軫沈志則以貴陽
等處爲井鬼而以銅鎮思黎平爲柳分郭記又以屬
鬼近似今按漢武所設之益州乃越雋犍爲牂牁三
郡越雋屬犍爲屬蜀牂牁所轄二十四邑貴陽以
上皆其地也陳卓謂牂牁入參五度而班固謂東井
與鬼參之分野西南牂牁越雋二州皆宜屬犍爲則
自平越以上皆爲參井無疑矣獨是思銅四郡爲柳
黔西州志

卷之一

天文

五

分似難爲據按唐志云翼軫鶉尾自房陵白帝而東
盡漢之南郡江夏東達盧江南郡之濱彭蠡之西長
沙武陵桂陽零陵又逾南紀盡鬱林合浦之地自沅
湘上流西達黔安之所皆全楚之分黔安卽今之思
南則銅鎮四郡自應與楚同占軫翼而不入柳分也
或曰牂牁既屬益州近梁州今舍鶉鬼而從參井何
也曰此非臆說也牂牁占參而不占鶉陳說已明至
益州兼井而不兼鬼則李淳風所云自畢十三度至
井十五度屬益州之言可驗也度之多者無如井少
者無如鬼是以井兼梁益三州亦猶斗牛兼吳越

豫章也萬曆庚子奎星入於東井占者以爲滅播之

象既而果應此非占在參井之一證耶或曰翼軫隔
柳星張三位踰此及彼何名分野曰亦非臆說也僧
一行曰懸象在天效法在地星之與土以精氣相屬
而不係於方隅袁坤議有言躔次相配少相反者多
青正東元枵在北雍正西鶉首在南明四郊之餘踰
柳星張而躔翼軫何以異此三人占則從二人之言
宜從其眾者而已故測以管見謂黔爲參井翼軫分
野貴陽安順都勻平越威寧參井之餘鎮遠石阡思
南思州銅仁黎平翼軫之餘黔西界在安順威寧之
黔西州志

卷之一

天文

六

中其爲參井也更無疑

參井占驗

參宿十星一日參伐一日大辰一日天市一日鉄鉞
主斬刈又爲天獄主殺伐又主權衡所以平理也又
主邊城爲九譯參白獸之體其中三星橫三將軍東
北曰左肩主左將軍西北曰右肩主右將軍東南曰
左足主後將軍西南曰右足主偏將軍故黃帝占星
參應七將軍中央三小星曰伐天之都尉也三胡鮮
卑戎狄之國凡十度右足入畢十三度去極九十四
度○觜觿三星爲三軍之候行軍之藏府主葆旅收

斂萬物明則軍儲盈○參旗九星在參西一日天旗
一日天弓主司弓弩之張○玉井四星在參左足下
主水漿以給厨○西南九星曰九斿天子之旗也○
玉井東南四星曰軍井行軍井也軍井未達將不言
渴名取此也○屏二星在玉井南爲屏風天厨四星
在屏東潤也○天矢一星在厠南色黃則吉○軍市
十三星在參東南天軍貿易之市使有無通也○野
鷄一星主變怪在軍市中市西南二星曰丈人○丈
人東二星曰子子東二星曰孫

東井八星天之南門黃道所經天之亭候主水衡事

黔西州志

卷之二

天文

七

法令所取平也王者用法平則井星明而端列凡三
十三度去極六十九度○鉞一星附井之前月宿井
有風雨○狼一星在東井東南狼爲野將主侵畧色
有常不欲變動也○弧九星在狼東南天弓也主備
盜賊常向於狼○老人一星在弧南一日南極常以
秋分之旦見於丙春分之夕沒於丁見則化平主壽
昌○南河北河各三星夾東井一日天高天之關門
主關梁○南河一日南戌一日南宮一日陽門一日
越門一日權星主火○北河一日北戌一日北宮一
日陰門一日衡星主水兩河戌間日月五星之常道

也○南河南二星曰闕邱主宮門外象魏也○五諸
侯五星在東井北主刺舉戒不虞又曰理陰陽察得
失一日主帝星一日帝師一日帝友三日三公四曰
博士五曰太史此五者常爲帝定疑議星明天潤澤
則天下大治○五諸侯南三星曰天蹲主盛饒粥以
給酒食之正也○東一星曰積水主候水災○積薪
一星在積水東供庖厨之正也○水位四星在東井
東主水衡○東井西南四星曰水府主水之宮也東
井南垣之東四星曰四瀆江淮河濟之精也

以上占驗出隋天文志

黔西州志

卷之二

天文

六


自有書契卽有圖史。羲畫禹疇其來尙矣。嗣是幽風王會之篇類皆有圖。故古人讀書經世必左圖右史。無圖莫核也。州北高南下東河西溪廣輪所屈地勢各殊遑之疆域山川近之城郭學署微而星野躔次顯而衝道關梁竊縮少訛位置失當何足信今而傳後茲竊撮槩數微於篇首一披覽而得真形百里巖壑卧治者可肘掖便也。作圖考志。

卷之

十九

黔西州參井分野之圖

參七星十度五十分佐次申以觜作藥七星皆明天
下兵精
星經曰七個參星三伐橫玉井軍井參左臨天廚四
星下一天井下直樹二屏星




卷之
圖考

幸


井八星三十一度位次未行列河中天井正明天下
太平
經曰井八星井宿之上五侯橫北河三星西積形井
傍一錢四水位水府之三天將軍市園中一野鷄丈
人子孫各二星四瀆南河中閭即弧弓九星天一星
關印之下狼星一孫旁一個老人星



吏目署



聖宮





聖
景
之
八

未
四
夕
照

